


ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՀԱՄԱԿԱՐԳԻ
ՁԵՐԲԱԿԱԼՎԱԾ ԱՆՁԱՆՑ ՊԱՀԵԼՈՒ ՎԱՅՐԵՐՈՒՄ ՎԵՐԱՀՍԿՈՂՈՒԹՅՈՒՆ
ԻՐԱԿԱՆԱՑՆՈՂ ՀԱՍԱՐԱԿԱԿԱՆ ԴԻՏՈՐԴԱԿԱՆ ԽՈՒՄԲ

№ 2621/1451

26.08.2014թվ.

ՀՀ Ոստիկանության պետ,
զեներալ-լեյտենանտ
պարոն՝ Վ. Գասպարյանին


Հարգելի պարոն Գասպարյան,



Դիտորդական խումբը ՀՀ ոստիկանության Երևան քաղաքի վարչության Երևանի ՁՊՎ-ում ուսումնասիրություններ կատարելու ընթացքում արձանագրել էր հետևյալը.

Էդիկ Կարենի Հարությունյանը ձերբակալվել էր 10.04.2014թ-ին ժամը 22.55-ին: Երևանի ՁՊՎ-ի «Ձերբակալվածների բուժօգնության և բուժօգնության» գրանցամատյանում 11.04.2014թ-ին ժամը 04.10-ին արձանագրվել է «*աջ ոտքի սրունքին կա քերծվածք, կզակին կա քերծվածք*»: Իսկ 11.04.2014թ-ին ժամը 11.10-ին արձանագրվել է «*ձախ բազկին կա թարմ քերծվածքներ, որոնք առաջացել են ինքնավնասման հետևանքով*»:


ՀՀ ոստիկանության Դիտորդական խումբը համագործակցելով ՀՀ ԱՆ քրեակատարողական հիմնարկներում և մարմիններում վերահսկողություն իրականացնող հասարակական Դիտորդական խմբի հետ, խնդրել էր, որպեսզի համապատասխան ուսումնասիրություններ անց կացվեն ՀՀ ԱՆ «Նուրբաշեն» ՔԿՀ-ում: Արդյունքում պարզվել է, որ Է. Հարությունյանը ՀՀ ԱՆ «Նուրբաշեն» ՔԿՀ է ընդունվել 13.04.2014թ-ին ժամը 21.20-ին և արձանագրվել է հետևյալ մարմնական վնասվածքները «*աջ ոտքի սրունքին քերծվածքներ, ձախ աջքի շրջանում, ստորին կրպի և այտուցկրի շրջանում այտուցներ, ձախ նախաբազկի ներսային մակերեսին բազմաթիվ քերծվածքներ մասամբ կեղևակալած վիճակում և թույլ այտուցված*»:



Այսպիսով, խնդրում ենք Դիտորդական խմբին հայտնել առկա մարմնական վնասվածքների միջև տարբերությունը Է. Հարությունյանը որտեղ է ստացել, ինչ պայմաններում և ում կողմից:

Հարգանքներով՝

ՀՀ ոստիկանության համակարգի ձեռքակալված անձանց պահելու վայրերում վերահսկողություն իրականացնող հասարակական Դիտորդական խմբի նախագահ՝



Հ. Սահակյան



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՈՍՏԻԿԱՆՈՒԹՅԱՆ ՇՏԱԲ

375025, ք. Երևան, Նալբանդյան 130 հեռ. 59-65-94

N 2/2-1-2225

<<12>> 09 2014թ.

Ձեր 26.08.2014թ. թիվ 2621/1451 գր.

«Ոստիկանության համակարգի ձերբակալվածներին պահելու վայրերում հասարակական դիտորդների խմբի նախագահ Հասմիկ Սահակյանին

Հարգելի տիկին Սահակյան

Հայտնվում է, որ Էրիկ (այլ ոչ թե Էդիկ) Կարենի Հարությունյանը «Ոստիկանության Երևան քաղաքի վարչության ՁՊՎ է ընդունվել 11.04.2014թ. ժամը 07.10-ին: ՁՊՎ ընդունվելու ժամանակ վերջինիս մոտ հայտնաբերվել են մարմնական վնասվածքներ՝ «աջ ոտքի սրունքին կա քերծվածք, կզակին կա քերծվածք», որոնք սահմանված կարգով գրանցվել են «Ձերբակալված անձանց բուժզննության կամ բուժօգնության» գրանցամատյանում:

Է.Հարությունյանը խցում 11.04.2014թ. ժամը 10.05-ին և 12.04.2014թ. ժամը 13.00-ին համապատասխանաբար ծխախոտի գտիչով և տաբատի շղթայի ամրանով վնասել է իր ձախ ձեռքի նախաբազուկը: Նրան ՁՊՎ բուժակի և հրավիրված շտապ բուժօգնության անձնակազմի կողմից ցուցաբերվել է առաջին անհրաժեշտության բուժօգնություն: Է.Հարությունյանի ինքնավնասման հետևանքով ստացած մարմնական վնասվածքների և նրան ցուցաբերված բուժօգնությունների վերաբերյալ «Ձերբակալված անձանց բուժզննության կամ բուժօգնության» գրանցամատյանում կատարվել են համապատասխան գրառումներ:

Ինչ վերաբերվում է ՀՀ ԱՆ «Նուբարաշեն» ՔԿՀ-ում Է.Հարությունյանի մոտ մարմնական վնասվածքներ՝ ձախ աչքի շրջանի ստորին կոպի և այտուսկրի շրջանում այտուցներն հայտնաբերելուն, ապա հայտնվում է, որ վարույթն իրականացնող մարմնի՝ ՔԳՎ Էրեբունու քննչական բաժնի կողմից նյութերի նախապատրաստման ընթացքում Է.Հարությունյանը բացատրություն է տվել, որ իր ձախ աչքի շրջանում վնասվածքները ստացել է ՁՊՎ-ում ագրեսիվ վարք դրսևորելու ընթացքում մահճակալի երկաթյա մասին հարվածելու հետևանքով, նշել է նաև, որ ինչպես բերման ենթարկվելիս, այնպես էլ ՁՊՎ-ում գտնվելու ընթացքում, ոստիկանության ծառայողները իրեն ֆիզիկական ցավ կամ մարմնական վնասվածքներ չեն պատճառել:

Նշված վնասվածքները այտուցվածության տեսքով ի հայտ են եկել քննչական մեկուսարանում, ինչի պատճառով ՁՊՎ-ում «Ձերբակալված անձանց բուժզննության կամ բուժօգնության» գրանցամատյանում համապատասխան գրառումներ չեն կատարվել:

«Ոստիկանության շտաբ